

八
代
詩
選

宋至梁

八代詩選十六

雜言第二

長沙湘潭王闓運撰

宋劉鑠

白紵曲一首

仙仙徐動何盈盈玉腕俱凝若雲行佳人舉衷耀青蛾
摻摻擢手映鮮羅狀似明月汎雲河體如輕風動流波

何承天

鼓吹饒歌

上陵耆相追攀被服纖麗振綺紈攜童幼升崇巒南望城
闕鬱盤桓王公第通衢端高薨華屋列朱軒臨濬谷掇秋

蘭士女悠奕映隰原指營邱感牛山爽鳩旣沒景君歎嗟
歲聿逝不還志氣衰沮元鬢斑野莽宿墳土乾顧此紮紮
中心酸生必死亦何怨取樂今日展情歡 上陵

將進酒慶三朝備繇禮薦嘉肴榮枯換霜露交緩春帶命
朋僚車等旗馬齊鑣懷溫克樂林濠士失志愠情勞思旨
酒寄游敖敗德人日醇醪耽長夜惑淫妖興屢舞厲哇謠
形傴傴聲號呶首旣濡志亦荒性命天國家亡嗟後生節
酣觴匪酒辜孰爲殃 將進酒

有所思思昔人曾閱二子善養親和顏色奉昏晨至誠烝
烝通明神鄒孟軻爲齊卿稱身受祿不貪榮道不用獨擁

楹三徙既許禮義明飛鳥集猛獸附功成事畢乃更發哀
我生邁凶閔幼罹荼酷備艱辛慈顏絕見無因長懷永思
託邱墳 有所思篇

臨高臺望天衢飄然輕舉凌太虛攜列子超帝鄉雲衣雨
帶乘風翔蕭龍駕會瑤臺清輝浮景溢蓬萊濟西海濯洎
盤佇立雲嶽結幽蘭馳迅風游炎洲願言桑梓思舊游傾
宵蓋靡電旌降彼天涂頽窈冥辭仙族歸人羣懷忠抱義
奉明君任窮達隨所遭何爲遠想令心勞 右臨高臺篇

謝莊

懷園引

鴻飛從萬里飛飛河岱起辛勤越霜霧聯翩溯江汜去舊
國違舊鄉舊山舊海悠且長迴首瞻東路延翩向秋方登
楚都入楚關楚地蕭瑟楚山寒歲去冰未已春來雁不還
風肅幌兮露濡庭漢水初綠柳葉青朱光藹藹雲英英離
禽啾啾又晨鳴菊有秀兮松有蕤憂來年去容髮衰流陰
逝景不可追臨堂危坐悵欲悲軒鳥池鶴戀階墀豈忘河
渚捐江湄試託意兮向芳蓀心綿綿兮屬荒樊想綠蘋兮
旣冒沼念幽蘭兮已盈園天桃晨暮發春鶯旦夕喧青苔
蕪石路宿草塵蓬門遭吾游夫鄢郢路脩遠以縈紆羌故
園之在日江與漢之不可踰目還流而附音候歸煙而託

書還流兮潺湲歸煙容裔去不旋念衛風於河廣懷鄴詩
於岵泉漢女悲而歌飛鵠楚客傷而奏南絃或巢陽而望
越亦依陰而慕燕詠零雨而卒歲吟秋風以永年

山夜憂

庭光盡山明歸松昏解渚幌稀流風棄軒卷明月緣河飛
迺斡西柁亂幽滋出藥嶼而淹留過香潭而一憩嶼側兮
初薰潭垂兮葢葢或傾華而闕景亦轉綵而口雲雲轉兮
四岫沈景闕兮雙路深草將濡而垆晦樹未颺而澗音澗
鳥鳴兮夜蟬清橘露靡兮蕙煙輕淩別浦兮值泉躍經喬
林兮遇猿驚躍泉屢環照驚猿亟啼嘯徒芳酒而生傷友

塵琴而自弔弔琴兮悠悠影感兮心如逢鏤山之既渥承
潤海之方流身無厚於蜩螽恩有重於嵩邱仰絕炎而縮
愧謝淚河而軫憂夜永憂綿綿晨寒起長洲南舉別鶴行
佇漢東鄰孤管入青天沈疴白髮其急日朝露過隙詎賒
年年既去兮髮不還金膏玉瀝豈留顏迴幹拓繩戶收棹

掩荆關

謝靈運

燕歌行

孟冬初寒節氣成悲風入闈霜依庭秋蟬噪柳燕辭楹念
君行役怨邊城君何崎嶇久徂征豈無膏沐感鸛鳴對君

不樂淚霑纓闌窗開橫弄秦箏調弦促柱多哀聲遙夜明月鑒帷屏誰知河漢淺且清展轉思服悲明星

鞠歌行

德不孤兮必有鄰唱和之契冥相因譬如虬虎兮來風雲亦如形聲影響陳心歡賞兮歲易淪隱玉藏彩疇識真叔牙顯夷吾親郢既沒匠輟斤覽古籍信伊人永言知己感良辰

順東西門行

出西門眺雲間揮斤扶木墜虞泉信道人鑒徂川思樂暫舍誓不旋閔九九傷牛山宿心載違徒昔言競落運務頽

年招命儕好相追牽酌芳醑奏絃弦惜寸陰情固然

謝惠連

燕歌行

四時推遷迅不停三秋蕭瑟葉解輕飛霜被野雁南征念
君客游羈思盈何爲淹留無歸聲愛而不見傷心情朝日
潛輝華燈明林鵲同棲渚鴻并接翮偶羽依蓬瀛仇依旅
類相和鳴余獨何爲志無成憂緣物感淚霑纓

鞠歌行

翔馳騎千里姿伯樂不舉誰能知南荆璧萬金貲卞和不
斲與石離年難留時易頽厲志莫賞徒勞疲沮齊音溺趙

吹匠石善運郢不危古綿眇理參差單心慷慨雙淚垂
前緩聲歌

羲和織阿去嗟峨覩物知命使余轉欲悲歌憂感人心胸
處山勿居峯在行勿爲公居峯大阻銳爲公遇讒蔽雅琴
自疏越雅韻能揚揚滑滑相混同終始福祿豐

吳邁遠

楚朝曲

白雲縈藹荆山阿洞庭縱橫日生波幽芳遠客悲如何繡
被掩口越人歌壯年流口口口河清貞空情感電過初同
末異憂愁多窮巷惻愴沈汨羅延思萬里挂長河翻驚漢

陰動湘娥

湯惠休

白紵歌二首

琴瑟未調心已悲任羅綺強自持忍思一舞望所思將
轉未轉恆如疑桃花水上春風出舞袂逶迤鸞照日裴回
鶴轉情豔逸君為迎歌心如一

少年窈窕舞君前容華豔豔將欲然為君嬌凝復遷延流
目送笑不敢言長袖拂面心自煎願君流光及盛年

秋風

秋風嫋嫋入曲房羅帳含月思心傷蟋蟀夜鳴斷人腸長

夜思君心飛揚他人相思君相忘錦衾瑤席爲誰芳

秋思引

秋寒依依風過河白露蕭蕭洞庭波思君末光光已滅眇眇悲望如思何

楚明妃曲

瓊臺彩楹桂寢彫蕝金閨流耀玉牖含英香芬幽藹珠彩珍榮文羅秋翠紈綺春輕驂駕鸞鶴往來仙靈含姿睞視微笑相迎結蘭枝送目成當年爲君榮

徐諼

華林北澗詩一首

總長潭兮括遠源下沈溜兮起輕泉回溪浚兮曲沼沮衝
波激兮瀨淺淺貫九谷兮積靈芝飛清濤兮潔澄漣

劉侯

詩一首

城上草植根非不高所恨風霜早

鮑照

代雉朝飛

雉朝飛振羽翼專場挾兩恃疆力媒已驚翳又逼蒿間潛
穀廬矢直矧繡頸碎錦臆絕命君前無怨色握君手執杯
酒意氣相傾死何有

代淮南王二首

淮南王好長生服食鍊氣讀仙經琉璃作椀牙作盤金鼎
玉七合神丹合神丹戲紫房紫房綵女弄明璫鸞歌鳳舞
斷君腸

朱城九門門九閨願逐明月入君懷入君懷結君佩怨君
恨君恃君愛築城思堅劍思利同盛同衰莫相棄

代空城雀

雀乳四穀空城之阿朝食野粟夕飲冰河高飛畏鴟鷂下
飛畏罔羅辛傷伊何言恍迫良已多誠不及青鳥遠食玉
山禾猶勝吳宮燕無罪得焚窠賦命有厚薄長歎欲如何

代鳴雁行

邕邕鳴雁鳴始旦齊行命侶入雲漢中夜相失羣離亂留
連徘徊不忍散憔悴容儀君不知辛苦霜風亦何爲

代夜坐吟

冬夜沈沈夜坐吟含聲未發已知心霜入幕風度林朱燈
滅朱顏尋體君歌逐君音不貴聲貴意深

代北風涼行

北風涼雨雪雱京洛女兒多妍妝遙豔帷中自悲傷沈吟
不語若有忘問君行何當歸苦使妾坐自傷悲慮年至慮
顏衰情易遠恨難追

代春日行

獻歲發吾將行春山茂春日明園中鳥多嘉聲梅始發桃
始青汎舟艦齊櫂驚奏采菱歌鹿鳴風微起波微生弦亦
發酒亦傾人蓮池折桂枝芳袖動芬葉披兩相思兩不知
代白紵曲二首

朱脣動素袖舉洛陽少童邯鄲女古稱淥水今白紵催弦
急管爲君舞窮秋九月荷葉黃北風驅雁天雨霜夜長酒
多樂未央

春風澹蕩使思多天色淨淥氣妍和含桃紅萼蘭紫芽朝
日灼爍發園華卷幌結帷羅玉筵齊謳秦吹盧女弦千金

顧笑買芳年

代白紵舞歌詞四首奉始興王教作

并啟

侍郎臣鮑照啟被教作白紵舞歌詞謹竭庸陋裁爲四
曲附啟上呈識方泐悴思涂猥局言旣無雅聲未能文
不足以宣贊聖旨拙拔妙實謹遣簡餘慚隨悚盈謹啟
吳刀楚製爲佩褱織羅霧縠垂羽衣含商嚙徵歌露晞珠
履颯沓紉袖飛淩風夏起素雲回車怠馬煩客忘歸蘭膏
明燭承夜暉

桂宮柏殿擬天居朱雀文窗韜碧疏象牀瑤席鎮犀渠彫
屏合帟組帷舒秦箏趙瑟挾笙竽垂璫散佩盈玉除停觴

不御欲誰須

三星參差露霑絃悲管清月將入寒光蕭條候蟲急荆
王流歎楚妃泣紅顏難長時易戢凝華結綵久延立非君
之故豈安集

池中赤鯉庖所捐琴高乘去飛上天命逢福世丁溢恩響
金籍綺升曲筵恩厚德重委如山絜誠洗志期暮年烏白
馬角甯足言

夜聽伎

蘭膏銷耗夜轉多亂筵雜坐更弦歌傾情逐節甯不苦特
爲盛年惜容華

梅花落

中庭雜樹多，偏爲梅咨嗟。
問君何獨然，念其霜中能作花。
露中能作實，搖蕩春風媚。
春日念爾零落逐，寒風徒有霜華無霜質。

擬行路難十八首

奉君金卮之美酒，璚玉匣之彫琴。
七綵芙蓉之羽帳，九華蒲萄之錦衾。
紅顏零落歲將暮，寒光宛轉時欲沈。
願君裁悲且減思，聽我抵節行路吟。
不見柏梁銅雀上甯聞古時清吹音。

洛陽名工鑄爲金博山，千斲復萬鏤。
上刻秦女攜手仙，承

君清夜之歡娛列置幃裏明燭前外發龍鱗之丹綵內含
麝芬之紫煙如今君心一朝異對此長歎終百年璇闈玉
墀上椒閣文窗繡戶垂羅幙中有一人字金蘭被服織羅
蒨芳藿春燕差池風散梅開幃對景弄春爵含歌攬涕恆
抱愁人生幾時得爲樂甯作野中之雙鳧不願雲間之別
鶴

瀉水置平地各自東西南北流人生亦有命安能行歎復
坐愁酌酒以自寬舉杯斷絕歌路難心非木石豈無感吞
聲躑躅不敢言

君不見河邊草冬時枯死春滿道君不見城上日今真沒

盡去明朝復更出今我何時當得然一去永滅入黃泉人
生苦多懼樂少意氣敷腴在盛年且願得志數相見牀頭
恆有沽酒錢功名竹帛非我事存亡貴賤付皇天

對案不能食拔劍擊柱長歎息丈夫生世會幾時安能蹠
躩垂羽翼棄置罷官去還家自休息朝出與親辭暮還在
親側弄兒牀前戲看婦機中織自古聖賢盡貧賤何況我
輩孤且直

愁思忽而至跨馬出北門舉頭四顧望但見松柏園荆棘
鬱蹲蹲中有一鳥名杜鵑言是古時蜀帝魂聲音哀苦鳴
不息羽毛憔悴似人髮飛走樹間啄蟲蠹豈憶往日天子

尊念此死生變化非常理中心惻愴不能言

中庭五株桃一株先作花陽春天治二三月從風簸蕩落
西家西家思婦見悲惋零淚霑衣撫心歎初我送君出戶
時何言淹留節迴換牀席生塵明鏡垢纖腰瘦削髮蓬亂
人生不得長爾意惆悵徒倚至夜半

劉櫛染黃絲黃絲歷亂不可治我昔與君始相值爾時自
謂可君意結帶與我言生死好惡不相置今日見我顏色
衰意中索漠與先異還君金釵玳瑁簪不忍見之益愁思
君不見舜華不終朝須臾奄冉零落銷盛年天豔浮華輩
不久亦當詣冢頭一去無還期千秋萬歲無音詞孤魂熒

熒空隴闕獨魄裴回遶墳基但聞風聲野鳥吟豈憶平生
盛年時爲此令人多悲悵君當縱意自熙怡

君不見枯瘠走階庭何時復青著故莖君不見亡靈蒙享
祀何時傾杯竭壺罍君當見此起憂思甯及得與時人爭
人生倏忽如絕電華年盛德幾時見但令縱意存高尚旨
酒嘉肴相胥讌持此從朝竟夕暮差得亡憂消愁怖胡爲
惆悵不能已難盡此曲令君忤

今年陽初花滿林明年冬末雪盈岑推移代謝紛交轉我
君邊戍獨稽沈執袂分明已三載邇來淹寂無口音朝悲
慘慘遂成滴暮思繞繞最傷心膏沐餘芳久不御蓬首亂

鬢不設簪徒飛輕埃舞空帷粉黛器靡復遺自生留世
苦不幸心中惕惕恆懷悲

春禽啾啾旦暮鳴最傷君子憂思情我初辭家從軍僑柴
志溢氣干雲霄流浪漸冉經三齡忽有白髮素髭生今暮
臨水拔已盡明日對鏡復已盈但恐羈死爲鬼客客思寄
滅生空精每懷舊鄉野念我故人多悲聲忽見過客問向
我甯知我家在南城答云我會居君鄉知君游宦在此城
我行離邑已萬里今方羈役去遠征來時聞君婦閨中嬌
居獨宿有貞名亦云朝悲泣閒房又聞莫思淚霑裳形容
憔悴非昔悅蓬鬢衰顏不復妝見此令人有餘悲當願君

懷不暫忘

君不見少壯從軍去白首流離不得還故鄉
窅窅日夜隔音塵斷絕阻河關朔風蕭條白雲飛
胡笳哀極邊氣寒聽此愁人兮奈何登山遠望
得留顏將死胡馬跡能見妻子難男兒生世輒
軻欲何道綿憂摧抑起長歎

君不見柏梁臺今日邱虛生草萊君不見阿房宮
寒雲澤雉棲其中歌伎舞女今誰在高堆纍纍滿
山隅長喪紛紛徒競世非我昔時千金軀隨酒
逐樂任意去莫令舍歎下黃壚

君不見冰上霜表裏陰且寒雖蒙朝日照信得幾時安民

生故如此誰令摧折疆相看年去年來自如削白髮零落
不勝冠

君不見春鳥初至時百草含青俱作花寒風蕭索一旦至
竟得幾時保光華日光流邁不相饒令我愁思怨恨多

已上宋

齊高帝蕭道成

塞客吟一首

寶緯紊宗神經越序德晦河晉力宣江楚雲雷兆壯天山
繇武直髮指河關凝精越漢渚秋風起塞草衰雕鴻思邊
馬悲平原千里顧但見轉蓬飛星巖海淨月澈河明清輝

八代詩選

雜言二
宋至梁

三

映幕素液凝庭金箔夜厲羽轄晨征幹晴潭而悵泗柹松
洲而悼情蘭涵風而寫豔菊籠泉而散英曲繞首燕之歎
吹軫絕越之聲歛園琴之孤弄想飛藿之餘馨青關望斷
白日西斜恬源靚霧隴首飛霞戒旋鷁躍還波情緜緜而
方遠思嫋嫋而遂多粵擊秦中之筑因爲塞上之歌歌曰
朝發兮江泉日夕兮陵山驚飈兮滄汨淮流兮潺湲胡埃
兮雲聚楚浦兮星懸愁牖兮思宇惻愴兮何言定寢中之
逸鑿審雕陵之迷泉悟樊籠之或累悵遐心以棲玄

陸厥

蒲坂行

江南風已春河間柳已把雁反無南書寸心何由寫流泊
祁連山飄飄高闕下

京兆歌

兔園夾池水脩竹復檀欒不如黃山苑儲胥與露寒邈迤
旁無界岑崟鬱上干上干入翠微下趾連長薄芳露浸紫
莖秋風搖素萼雁起宵未央雲間月將落照梁桂兮影徘徊
徊承露盤兮光照灼壽陵之街走狐兔金卮玉盃會銷鑠
願奉蒲萄花爲君寶羽爵

李夫人及貴人歌

屬車桂席塵豹尾香煙滅彤殿向靡蕪青蒲復斐絕坐斐

絕對蘼蕪臨丹階泣椒塗寡鶴羈雌飛且止雕梁翠壁網
蜘蛛洞房明月夜對此淚如珠

臨江王節士歌

木葉下江波連秋月照浦雲歇山秋思不可裁復帶秋風
來秋風來已寒白露驚羅紈節士慷慨髮衝冠彎弓挂若
木長劍竦雲端

釋寶月行路難一首

君不見孤雁關外發酸嘶度揚越空城客子心腸斷幽閨
思婦氣欲絕凝霜夜下拂羅衣浮雲中斷開明月夜夜遙
遙徒相思年年望望情不歇寄我匣中青銅鏡倩人爲君

除白髮行路難行路難夜聞南城漢使度使我流淚憶長
安

已上齊

梁武帝蕭衍

白紵詞

朱絲玉柱羅象筵飛瑄促節舞少年短歌流目未肯前含
笑一轉私自憐

纖腰嫋嫋不勝衣嬌怨獨立特爲誰起曲君前未忍歸上
聲急調中心飛

江南弄七曲

眾花雜色滿上林舒芳曜綠垂輕陰連手躡蹠舞春心舞
春心臨歲腴中人望獨峙嶠 江南弄

美人繇眇在雲堂彫金鏤竹眠玉牀晚曖寥亮繞虹梁繞
虹梁流月臺駐狂風鬱徘徊 龍笛曲

游戲五湖采蓮歸發花田葉芳襲衣為君豔歌世所希世
所希有如玉江南弄采蓮曲 采蓮曲

綠曜剋碧彫瑄笙朱脣玉指學鳳鳴流連參差飛且停飛
且停在鳳樓弄嬌響聞清謳 鳳笙曲

江南稚女珠挽繩金翠搖首紅顏興桂棹容與歌采菱歌
采菱心未怕翳羅袖望所思 采菱曲

氛氳蘭麝體芳滑容色玉耀眉如月珠佩嫋嫋戲金闕戲
金闕游紫庭舞飛閣歌長生 游女曲

張樂陽臺歌上謁如寢如興芳曖曖容光旣豔復還沒復
還沒望不來巫山高心裴回 朝雲曲

上雲樂七曲

鳳臺上兩悠悠雲之際神光朝天極華蓋過延州羽衣昱
耀春吹去復留 鳳臺曲

桐柏真昇帝賓戲伊谷游洛濱參差列鳳管容與起梁塵
望不可至裴回謝時人 桐柏曲

方丈上陵層雲挹八玉御三雲金書發幽會碧簡吐元門

至道虛凝冥然其所遵 方丈曲

方諸上上雲人業守仁 撻金集瑤池步光禮玉晨霞蓋容

長肅清虛伍列眞 方諸曲

玉龜山眞長仙九光曜五雲生交帶要分影太華冠晨纓

壽如玄羅出入游太清 玉龜曲

紫霜曜絳雪飛追以還轉復飛九眞道方微千年不傳一

傳裔雲衣 金丹曲

昭明太子蕭統

示雲麾弟詩一首

白雲飛兮江上阻北流兮山風舉山萬仞兮多高峯流

九派兮饒江渚山峇嶢兮乃逼天雲微濛兮復興雨實覽
厯兮此名地故敖游兮茲勝所爾登陟兮一長望理化顧
兮忽憶予想玉顏兮在目中徒踟躕兮增延佇

簡文帝蕭綱

烏棲曲

芙蓉作船絲作紵北斗橫天月將落采蓮渡頭礙黃河郎
今欲渡畏風波

浮雲似帳月成鉤那能夜夜南陌頭宜城醞酒今行熟停
鞍繫馬暫棲宿

青牛丹轂七香車可憐今夜宿倡家倡家高樹烏欲棲羅

帷翠帳向君低

織成屏風銀屈郟朱脣玉面燈前出相看氣息望君憐誰
能含羞不自前

從軍行雜句一首

雲中亭障羽檄驚甘泉烽火通夜明貳師將軍新築營驃
騎校尉初出征復有山西將絕世受雄名三門應遁甲五
壘學神兵白雲隨陳色蒼山答鼓聲邈迤觀鷺翼參差覩
雁行先平小月陳卻滅大宛城善馬還長樂黃金付水衡
小婦趙人能鼓瑟侍婢初笄解鄭聲庭前桃花飛已合必
應紅妝起見迎

烏夜啼

綠草庭中望明月碧玉堂裏對金鋪鳴弦撥振發初異挑
琴欲吹眾曲殊不疑三足朝含影直言九子夜相呼羞言
獨眠枕下淚託道單棲城上烏

采菊篇

日精麗草散秋株洛陽少婦絕妍姝相呼提筐采菊珠朝
起露溼霑羅襪東方千騎從驪駒更不下山逢故夫

東飛伯勞歌二首

翻階蛺蝶戀花情容華飛燕相逢迎誰家總角岐路陰裁
紅點翠愁人心天窗綺井暖裴回珠簾玉篋明鏡臺可憐

年幾十三四工歌巧舞入人意白日西落楊柳垂含情弄
態兩相知

西飛迷雀東羈雌倡樓秦女乍相值誰家妖麗鄰中止輕
妝薄粉光闔里網戶珠綴曲瓊鉤芳茵翠被香氣流少年
年幾方三六含嬌聚態傾人目餘香落紫坐相催可憐絕
世爲誰媒

度關山

關山遠可度遠度復難思直指遮歸道都護總前期力農
爭地利轉戰逐天時材官蹶張皆命中引農越騎盡舉旗
舉旗遠不息驅虜何窮極狼居一封難再覩闕氏永去無

容色銳氣且橫行朱旂亂日精先屠光祿塞卻破夫人城
凱歌還舊里非是銜功名

隴西行

邊秋胡馬肥雲中驚寇入勇氣特無侶輕兵救邊急沙平
不見虜嶂險還相及出塞豈成歌經川未遑汲烏孫塗更
阻康居路猶盪月暈抱龍城星流照馬邑長安路遠書不
還甯知征人獨佇立

江南弄三首

枝中水上春併歸長楊埽地桃花飛清風吹人光照衣光
照衣景將夕擲黃金留上客 江南曲

金門玉堂臨水居一顰一笑千萬餘游子去還願莫疏願
莫疏意何極雙鴛鴦兩相憶 龍笛曲

桂檝蘭橈浮碧水江花玉面兩相似蓮疏藕折香風起香
風起白日低采蓮曲使君迷 采蓮曲

和蕭侍中子顯春別四首

別觀蒲萄帶實垂江南荳蔻生連枝無情無意猶如此有
心有恨徒別離

蜘蛛作絲滿帳中芳草結葉當行路紅臉脈脈一生嗟黃
鳥飛飛有時度故人雖故昔經新新人雖新復應故
可憐淮水去來潮春隄楊柳覆河橋淚跡未慘詎終朝行

聞玉佩已相要

桃紅李白若朝妝
羞持憔悴比新楊
不惜暫住君前死
愁無西國更生香

夜望單飛雁

天霜河北夜星稀
一雁聲嘶何處歸
早知半路應相失
不如從來本獨飛

應令

蠡浦急兮川路長
白雲重兮出帝鄉
平原忽兮遠極目
江甸阻兮轉心傷
對廬岳兮高且峻
瞻派水兮去泱泱
遠煙生兮含山勢
風散花兮傳馨香
臨清波兮望石鏡
瞻鶴嶺

今睇仙莊望邦畿
今千里曠悲遙夜
今九迴腸顧龍樓
今不可見徒送目
今淚霑裳

擬古

窺紅對鏡斂雙眉
含愁拭淚坐相思
念人一去許多時
眼語笑靨迎來情
心懷心想甚分明
憶人不忍語含恨
獨吞聲

春情

蝶黃花紫燕相追
楊低柳合路塵飛
已見垂鈎挂綠樹
誠知洪水霑羅衣
兩童挾車問不已
五馬城南猶未歸
鷺啼春欲駛
無爲空掩扉

倡樓怨節

朝日斜來照戶春鳥爭飛出林片光片影皆麗一聲一轉
煎心上林紛紛花落淇水漠漠落浮年馳節流易盡何爲
忍憶含羞

傷離新體

傷離復傷離別後情鬱紆悽悽隱去棹憫憫愴還涂戚戚
意不申轉顧獨嚙巾前驅經御宿後騎歷河澗胡香翼還
幘清笳送後塵落日斜飛蓋餘輝承畫輪柳影長橫路槐
枝深隱人桂宮夕掩銅龍扉甲館宵垂雲母幃朧朧月色
上的的夜螢飛草香襲余袂露灑霑人衣帶堞陵城雲亂

聚排枝度葉鳥爭歸盃中浮螳不能酌琴閒玉徽調別鶴
別鶴千里別離聲弦調軫急心自驚試起登南樓還向華
池游前時篠生今欲合近日栽荷尙不抽猶是銜杯共賞
處今茲對此獨生愁登樓望曖曖山川自分態偃師雖北
連轅轅已南背遠聽寂無聞遙瞻日有闕含豪意不迷長
歎意無賴

元帝蕭繹

燕歌行

燕趙佳人本自多
遼東少婦學春歌
黃龍戍北花如錦
玄菟城南月似蛾
如何此時別夫婿
金羈翠眊往交河
還聞

去漢入燕營怨妾愁心百恨生漫漫悠悠天未晚遙遙夜
夜聽寒更自從異縣同心別偏恨同時成異節橫波滿臉
萬行嗁翠眉暫斂千重結並海連天合不開那堪春日
春臺乍見遠舟如落葉復看遙舸似行杯沙汀夜鶴嘶羈
雌妾心無趣坐傷離翻嗟漢使音塵斷空傷賤妾燕南垂
烏棲曲

沙棠作船桂爲楫夜渡江南采蓮葉復值西施新浣紗其
向江干眺月華

月華似璧星如佩流影澄明玉堂內邯鄲九枝朝始成金
卮玉盃共君傾

交龍成錦鬪鳳文芙蓉爲帶石榴鬅日下城南兩相望月
沒參橫掩羅帳

七彩隨珠九華玉蛺蝶爲歌明星曲蘭房椒閣夜方開那
知步步香風逐

春別應令四首

昆明夜月光如練上林朝花色如霰花朝月夜動春心誰
忍相思不相見

試看機上交龍錦還瞻庭裏合歡枝映日通風影珠幔飄
花拂葉度金池不聞離人當重合惟愁合罷會成離

門前楊柳亂如絲直置佳人不自持適言新作裂紈詩誰

悟今成織素詞

日暮徒倚渭橋西正見流月與雲齊若使月光無遠近應照離人今夜啼

古意詠燭

花中燭焰焰動簾風不見來人影迴光持向空

賦得登山馬

登山馬迳小馬纜通汗赭疑霑勒衣香不逐風何殊隴頭望遙識祁連東

別詩二首

選一

三月桃花合面脂五月新油好煎澤莫復臨時不寄人謾

道江中無估客

沈約

江南弄四首

邯鄲奇弄出文梓
縈弦急調切流徵
玄鶴裴回白雲起
白雲起鬱披香離
復合曲未央
趙瑟曲

羅袖飄纏拂彫桐
促柱高張散輕宮
迎歌度舞邊歸風
邊歸風止流月壽
萬春歡無歇
秦箏曲

楊柳垂地燕差池
緘情忍思落容儀
弦傷曲怨心自知
心自知人不見動
羅裙拂珠殿
陽春曲

陽臺氤氳多異色
巫山高高上無極
雲來雲去帶不息
常

不息夢來游極萬世度千秋
朝雲曲

樂未央

億舜日萬堯年詠湛露歌采蓮願雜百和氣宛轉金爐前
四時白紵歌五首

敕臣約造聖製後兩句

蘭葉參差桃半紅飛芳舞縠戲春風如嬌如怨狀不同含
笑流盼滿堂中翡翠羣飛飛不息願抃雲間長比翼佩服
瑤草駐容色舜日堯年歡無極
春

朱光灼爍照佳人含情送意遙相親嫣然一轉亂心神非
子之故欲誰因
夏

白露欲凝草已黃
金瑋玉柱響洞房
雙心一意俱回翔
吐情寄君君莫忘
秋

寒闥晝密羅幌垂
婉容麗色心相知
雙去雙還誓不移
長袖拂面爲君施
冬

秦箏齊瑟燕趙女
一朝得意心相許
明月如規方襲予
夜長未央歌白紵
夜

上已華光殿

於維盛世卽軒媯
朝鄽宴鎬復在斯
朝光灼爍映蘭池
春風宛轉入細枝
時鶯顧慕聲合離
輕波微動漾羽卮
河宗海若生蛟螭
浮梁徑度跨回漪
朱顏始治景將移
安得壯

士駐奔曦

六憶詩

憶來時的的上階墀勤勤敘離別慊慊道相思相看常不足相見乃忘饑

憶坐時點點羅帳前或歌四五曲或弄兩三弦笑時應無比嗔時更可憐

憶食時臨盤動顏色欲坐復羞坐欲食復羞食含哺如不饑擊甌似無力

憶眠時人眠彊未眠解羅不待勸就枕更須牽復恐旁人見嬌羞在燭前

八詠八首

望秋月秋月光如練照曜三爵臺裴回九華殿九華瑋瑋
梁華棖與壁璫以茲彫麗色持照明月光凝華入繡帳清
輝縣洞房先過飛燕戶卻照班姬牀桂宮嫋嫋折桂枝露
室淒淒凝白露上林晚葉颯颯鳴雁門早鴻離離度湛秀
質兮似規委清光兮如素照愁軒之蓬影映金階之輕步
居人臨此笑以歌別客對之傷且慕經衰圃映寒叢凝清
夜帶秋風隨庭雪以借素與池荷而共紅臨玉墀之皎皎
含霜靄之濛濛轡天衢而徒步轢長漢而飛空隱巖崖而
半出隔帷櫳而纔通散朱庭之奕奕入青瑣而玲瓏闔闔

悲寡鵠沙洲怨別鴻
昭姬泣胡殿明君思漢宮
余亦何爲者淹留此山東
望秋月

臨春風春風起春樹游絲暖如網
落花零侶霧先泛天淵
池還過細柳枝螻逢飛搖颺
燕值羽參差揚桂旆動芝蓋
開燕裾吹趙帶趙帶飛參差
燕裾合且離回簪復轉黛
顧步惜容儀容儀已炤灼
春風復回薄氛氲桃李花青
柎含素萼旣爲風所開復爲
風所落搖綠蒂抗紫莖舞春
雪雜流鸞曲房開兮金鋪響
金鋪響兮妾思驚梧桐未陰
淇川如碧迎行雨於高唐送
歸鴻於碣石經洞房響紉素
感幽閨思帷帟想芳園兮可
以游念蘭翹兮漸堪摘拂明
鏡之

冬塵解羅衣之秋裳既鏗鏘以動佩又氛氳而流靡始搖
蕩以入閨終裴回而緣隙鳴珠簾於繡戶散芳塵於綺席
是時悵思婦安能久行役佳人不在茲春風爲誰惜 臨
春風

愍衰草衰草無容色憔悴荒徑中寒菱不可識昔時兮春
日昔日兮春風含華兮佩實垂綠兮散紅氛氳鵙鵲右照
耀望仙東送歸顧慕泣淇水嘉客淹留懷上宮巖陬兮海
岸冰多兮雪積爛漫兮容根攢幽兮寓隙布綿密於寒臬
吐纖疏於危石旣惆悵於君子倍傷心於行役露縞枝於
初旦霜紅天於始夕彫芳卉之九衢實靈茅之三春風急

嶠道難秋至客衣單既傷檐下菊復悲池上蘭飄落逐風
盡方知歲早寒流螢暗明燭雁聲纔斷續萎絕長信宮蕪
穢丹墀曲霜奪莖上紫風銷葉中綠山變兮青薇水折兮
平葦秋鴻兮疏引寒鳥兮聚飛逕荒寒草合桐長舊巖圍
夜漸靡蕪沒霜露日霑衣願逐晨征鳥薄暮共西歸 歲
暮愍衰草

悲落桐落桐早霜露燕至葉未溜鴻來枝已素本出龍門
山長枝仰刺天上峯百丈絕下趾萬尋懸幽根已盤絕孤
株復危結初不照光景終年負霜雪自顧無羽儀不願生
曲池芬芳本自正華實無可施匠者特留盼王孫少見知

分取生孤枿徒置北堂垂宿莖抽晚幹新葉生故枝故枝
雖遼遠新葉頗離離春風一朝至榮啟坐如斯自惟良菲
薄君恩徒照灼願已非嘉樹空用憑阿閣願作清廟琴爲
舞雙元鶴薜荔可爲裳文杏堪作梁勿言草木賤徒照君
末光末光不徒照爲君含噉咷陽柯淥水弦陰枝苦寒調
厚德非所任敢不虛其心若逢陽春至吐綠照青潯 霜
來悲落桐

聞夜鶴夜鶴叫南池對此孤明月臨風振羽儀伊吾人之
菲薄無賦命之天爵抱局促之長懷隨春冬而哀樂愍海
水之驚鳧傷雲間之離鶴離鶴昔未離近發天北垂忽值

疾風起暫下昆明池復值冬冰合水宿非所宜欲留不可
住欲去飛已疲勢逐疾風舉求溫向衡楚復值南飛鴻參
差其成侶海上多雲霧蒼茫失州嶼自此別故羣獨向瀟
湘渚故羣不離散相依滄海畔夜止羽相切晝飛影相亂
刷羽共浮沈湛澹泛清潯旣不得離別安知慕侶心九冬
霜雪苦六翮飛不任且養陵雲翅俛仰弄清音所望浮邱
子旦夕來見尋 夕行聞夜鶴

聽曉鴻曉鴻度將旦跨弱水之微瀾發成山之遠岸恍春
歸之未幾驚此歲之云半出海漲之蒼茫入雲塗之杳漫
無東西之可辨孰遐邇之能算微昔見於州渚赴秋期於

江漢集勁風於弱軀負重雪於輕翰寒谿可以飲荒舉可
以竄谿水徒自清微容豈足翫秋蓬飛兮未極寒草萎兮
無色楚山高兮杳難度越水深兮不可測羨明月之馳光
願征禽之騁翼伊余馬之屢懷知吾行之未極夜綿綿而
難曉愁參差而盈臆望山川以悉無惟星河猶可識聞雁
夜南飛客淚夜霑衣春鴻旦暮返客子方未歸歲去驩娛
盡年來容貌非孳衽形雖是撫臆事多違青綯雖長復易
解白雲誠遠詎難依 晨征聽曉鴻

去朝市朝市深歸慕辭北闕而南征浮東川而西顧逢天
地之降祥值日月之重光伊當仁之匪讓非余情之信芳

充待詔於金馬奉高宴於柏梁觀鬪獸於虎圈望窈窕于
披香游西園兮登銅爵攀青瑣兮眺重陽講金華兮議宣
室畫武帳兮夕文昌佩甘泉兮履五柞簪粉指兮黻承光
託後車兮侍華幄游渤海兮泛清漳天道有盈缺寒暑遞
炎涼一朝賣玉琬眷眷惜餘香曲池無復處桂枝亦銷亡
清廟徒肅肅西陵久茫茫薄暮余多幸嘉運重來昌忝稽
郡之南尉典千里之光貴別北芒于濁河戀橫橋于清渭
望前軒之早桐對南階之初卉非余情之屢傷寄茲焉兮
能戀眷昔日兮懷哉日將暮兮歸去來 解佩去朝市
守山東山東萬嶺鬱青蔥兩漢其一寫水潔望如空岸側

青莎被巖間丹桂叢上瞻既隱軫下睇亦溟濛遠林響咆
獸近樹聒鳴蟲路帶若谿右澗吐金華東萬丈到危石百
丈注縣淙掣曳寫流電奔飛似白虹洞井含清氣漏穴吐
飛風玉竇膏滴漑石乳室空籠峭嶒塗彌險崖岨步纒通
余舍平生之所愛歙莫年而逢此願一去而不還恨鄒衣
之未褫揖林壑之清曠事氓俗之紛詭幸帝德之方升值
天綱之未毀既除舊而布新故化民而俗徙播趙俗以南
徂扇齊風以東靡乳雉方可馴流蝗庶能弭清心矯世濁
儉政革民侈秩滿撫白雲淹留事芝髓 被褐守山東

張率

白紵歌九首

歌兒流唱聲欲清舞女趁節體自輕歌舞並妙會人情依
弦度曲婉盈盈揚蛾爲態誰目成

妙聲屢唱輕體飛流津染面散芳菲俱動齊息不相違令
彼嘉客憺忘歸時久翫夜明星稀

日暮寒門望所思風吹庭樹月入帷涼陰旣滿草蟲悲誰
能離別長夜時流歎不寢淚如絲與君之別終何知

秋風鳴條露垂葉空闌光盡坐愁妾獨向長夜淚承曉山
高水深路難涉望君光景何時接

遙夜方遠時旣寒秋風蕭瑟白露團佳期不待歲欲闌念

此遲暮獨無歡鳴弦流管增長歎

夜寒湛湛夜未央華燈空爛月懸光從風衣起發芬香爲君起舞幸不忘

列坐華筵紛羽爵清曲未終月將落歌舞及時酒常酌無令朝露坐銷鑠

愁來夜遲猶歎息撫枕思君終反側金翠釵環稍不飾霧縠流黃不能織但坐空閨思何極欲以短書寄飛翼

遙夜忘寐起長歎但望雲中雙飛翰明月入牖風入幔終夜悠悠坐中旦誰能知我心中亂終然有懷歲方晏

長相思二首

長相思久離別美人之遠如雨絕獨延佇心中結望雲雲
去遠望鳥鳥飛滅空望終若斯珠淚不能雪

長相思久別離所思何在若天垂鬱陶相望不得知玉階
月夕映羅帷風夜吹長思不能寢坐望天河移

柳惲

芳林篇一首

芳林晷兮發朱榮時旣晚兮隨風零隨風零兮返無期安
得陽華遺所思

吳均

行路難

洞庭水上一株桐經霜觸浪困巖風昔時抽心耀白日今
且臥死黃沙中洛陽名工見咨嗟一翦一刻作琵琶白璧
規心學明月珊瑚映面作風花帝王見賞不見忘提攜把
握登建章掩抑摧藏張女彈殷勤促柱楚明光年年月月
對君子遙遙夜夜宿未央未央采女棄鳴篴爭先拂拭生
光儀茱萸錦衣玉作匣安念昔日枯樹枝不學衡山南領
桂至今千年猶未知

青瑣門外安石榴連枝接葉夾御溝金墉城西合歡樹垂
條照采拂鳳樓游俠少年游上路傾心傾倒想戀慕摩頂
至足買片言開胸瀝膽取一顧自言家在趙邯鄲翩翩舌

杪復劍端青驪白駿的盧馬金羈綠鞵紫絲鞍躡蹠橫行
不肯進夜夜汗血至長安長安城中諸貴臣爭貴儒者席
上珍復聞梁王好學問輕棄劍客如埃塵吾邱壽王始得
意司馬相如適被申大才大辯尙如此何況我輩輕薄人
君不見西陵田縱橫十字成陌阡君不見東郊道荒涼蕪
沒起寒煙盡是昔日帝王處歌姬舞女連天曙今日翩妍
少年子不知華盛落前去吐心吐氣許他人今且回惑生
猶豫山中桂樹自有枝心中方寸自君知何言歲月忽若
馳君之情意與我離還君瑋瓊金爵釵不忍見此使心危
君不見上林苑中客冰羅霧縠象牙席盡是得意忘言者

探腸見膽無所惜白酒甜鹽甘如乳綠觴皎鏡華如碧少年持名不肯嘗安知白駒應過隙博山鑪中百和香鬱香蘇合及都梁透迤好氣佳容兒經過青瑣厯紫房已入中山馮后帳復上皇帝班姬牀班姬失寵顏不開奉帚供養長信臺日暮耿耿不能寐秋風切切四面來玉階行路生秋草金鑪香炭變成灰得意失意須臾頃非君方寸逆所裁

王筠

行路難

千門皆閉夜何央百憂俱集斷人腸探揣箱中取刀尺拂

拭機上斷流黃情人逐情雖可恨復畏邊遠乏衣裳已纒
一繭催衣纒復擣百和薰衣香猶憶去時腰大小不知今
日身短長襦襜雙心共一袂袒複兩邊作八撮襷帶雖安
不忍縫開孔裁穿猶未達胸前卻月兩相連本照君心不
照天願君分明得此意勿復流蕩不如先含悲含怨判不
死封情忍思待明年

楚如吟

花早飛林中明鳥早歸庭前日煖春闈香氣亦霏霏香氣
漂當軒清唱調獨顧慕含怨復含嬌蝶飛蘭復嫋嫋輕風
入幫春可游歌聲梁上浮春游方可樂沈沈下羅幙

劉孝綽

元廣州景仲坐見故姬一首

留故夫不時嶠別待春山上相看采薜蘿

劉孝威

擬古應教一首

雙棲翡翠兩鴛鴦巫山落月坐相望誰家妖冶折花枝蛾
眉曛睇使情移青蒲綠璫琉璃扉瓊筵玉笥金縷衣美人
年幾可十餘含羞轉笑斂風裾珠丸出彈不可追空留可
憐持與誰

烏生八九子

城上烏一年生九雛枝輕巢本狹風多葉早枯毳毛不自
煖張翼強相呼金柝嚴兮翠樓肅蜃壁光兮椒泥馥虞機
衡網不得施猜鷹鷲隼無由逐永願其棲曾氏冠同瑞周
王屋莫啼城上寒猶賢野中宿羽成翮備各西東丁年賦
命有窮通不見高飛帝輦側遠託日輪中尙逢王吉箭猶
嬰后羿弓豈如變彩救鄰質入夢祚昭公流聲表師退集
幕示營空靈臺已鑄像流蘇時候風

蜀道難

玉壘高無極銅梁不可攀雙流逆巖道九坂迢陽關鄧侯
策馬度王生斂轡還斂轡懼身尤叱馭奉王猷若恡千金

重誰爲萬里侯戲馬吞珠界揚舲濯錦流沈犀厭怪水握
鏡表靈邱禹山金碧有光輝遷亭車馬尙輕肥彌想王褒
擁節反更憶相如乘傳歸君平子雲闕不嗣江漢英靈信
已衰

賦得香出衣

香出衣步近氣逾飛博山登高用鄴錦含情動麝比洛妃
香纓麝帶縫金纓瓊花玉勝綴珠徽蘇合故年微恨歇都
梁路遠恐非新猶賢漢君芳千里尙笑荀令止三旬

陶弘景

寒夜怨一首

夜雲生夜鴻驚悽切嘹唳傷夜情空山霜滿高煙平鉛華
沈照帳孤明寒月微寒風緊愁心絕愁淚盡情人不勝怨
思來誰能忍

費昶

行路難

君不見長安客舍門倡家少女名桃根貧窮夜紡無燈燭
何言一朝奉至尊至尊離宮百餘處千門萬戶不知曙惟
聞啞啞城上烏玉闌金井牽鹿盧丹梁翠柱飛屠蘇香薪
桂火炊彫胡當年反覆無常定薄命爲女何必羸

君不見人生百年如流電心中埒壑君不見我昔初入椒

房時詎減班姬與飛燕朝踰金梯上鳳樓莫上瓊鉤息鸞
殿柏臺晝夜香錦帳自飄颺笙歌邨上吹琵琶陌上桑過
蒙恩所賜餘光曲霑被旣逢陰后不自專復值程姬有所
避黃河千年始一清微軀再逢永無議蛾眉偃月徒自妍
傅粉施朱欲誰爲不如天淵水中鳥雙去雙飛常比翅

蕭子顯

春別四首

翻鷺度燕雙比翼楊柳千條其一色但看陌上攜手歸誰
能對此空中憶

幽宮積草自芳菲黃鳥芳樹情相依爭風競日常聞響重

花疊葉不通飛當知此時動妾思慙使羅袂拂君衣

江東大道日華春垂楊挂柳拂清塵淇水昨送淚霑巾紅
妝宿昔已應新

銜悲寧涕別心知桃花李色任風吹本知人心不似樹可
意人別似花離

烏棲曲應令三首

握中酒杯馬腦鐘裾邊雜佩虎魄龍欲持寄君心不惜其
指三星今何夕

淚黛紅輕染花色還欲令人不相識金壺夜水詎能多莫
持賒用比縣河

芳樹歸飛聚儔匹猶有殘光半山日莫憚褰裳不相求漢
皋游女習飛流

燕歌行

風光遲舞出青蘋蘭條翠鳥鳴發春洛陽梨花落如雪河
邊細草細如茵桐生井底葉交枝今看無端雙燕離五重
飛樓入河漢九華閣道暗清池遙看白馬津上吏傳道黃
龍征戍兒明月金波徒照妾浮雲玉葉君不知思君昔去
柳依依至今八月避暑歸明珠蠶繭勉登機鬱金香花特
香衣洛陽城頭雞欲曙丞相府中烏未飛夜夢征人縫狐
貉私憐織婦裁錦緋吳刀鄭綿絡寒閨夜被薄芳年海上

水中鳧日莫寒夜空城雀

徐君蒨

別義陽郡二首

翔鳳樓遙望與雲浮
歌聲臨樹出舞影入江流
葉落看村近天高應向秋

飾面亭妝成更點星
頰上紅疑淺眉心黛不青
故留殘粉絮挂著箔簾釘

王叔英

婦贈答一首

妝鉛點黛拂輕紅
鳴環動佩出房櫳
看梅復看柳淚滿春

衫中

朱超

詠獨棲鳥一首

河水聞寒已成凍塞草愁霜縣自衰可念無端失林鳥此
夜逆風何處歸列罔遮山不聽度縣冰繞樹滑難依細石
似燕能隨雨片木作鷺猶解機但令積風多少便何患有
翼不能飛寄語故林無數鳥會入羣裏解毛衣

沈君攸

薄暮動弦歌

朔谷向夕沈餘日蕙樓臨砌徙斜光金戶半入叢林影蘭

徑時移落紫香絲繩玉壺傳綺席秦箏趙瑟響高堂舞裙
拂履喧珠佩歌響出扇繞塵梁雲邊雪飛弦柱促留賓但
須羅裊長日暮歌鐘恆不斷處處行樂爲時康

羽觴飛上苑

上路薄晚風塵合禁苑初春氣色華石徑斷絲闌蔓草山
流細沫擁浮花魚文熠爚含餘日鶴蓋低昂照落霞隔樹
銀鞍喧寶馬分衢玉軸動香車車馬處處盡成陰班荆促
席對芳林藤杯屢動情仍暢翠尊引滿趣彌深山陽倒載
非難得宜城醇醞促須斟半醉驪歌應可奏上客莫慮擲

黃金

桂檝泛河中

黃河曲注通千里濁水分流引八川仙查逐源終未極蘇
亭遺跡上難遷眇眇雲根侵遠樹蒼蒼水氣合遙天波影
雜霞無定色湍文觸岸不成圓赤馬青龍交出浦飛雲蓋
海遠陵煙蓮舟度沙轉不礙桂楫距浪弱難前風急金烏
翅自轉汀長錦纜影微縣榜人欲歌先扣柂津吏猶醉強
持船河隄極望今如此行杯落葉詎虛傳

雙燕離

雙燕雙飛雙情相思容色已改故心不衰雙入幙雙出幙
秋風去春風歸幙上危雙燕離銜羽一別涕泗垂夜夜孤

飛誰相知左回右顧還相慕翩翩桂水不忍渡縣目挂心
思越路縈鬱摧折意不泄願作鏡鸞相對絕

范靜妻沈氏

晨風行一首

理檝令舟人停艫息旅薄河津念君劬勞冒風塵臨路揮
袂淚霑巾颺流勁瀾逝若飛山高帆急絕音徽留子句句
獨言歸中心煢煢將依誰風彌葉落永離索神往形返情
錯莫循帶易緩愁難卻心之憂矣頗銷鑠

無名人

木蘭詩一首

唧唧復唧唧木蘭當戶織不聞機杼聲惟聞女歎息問女何所思問女何所憶女亦無所思女亦無所憶昨夜見軍帖可汗大點兵軍書十二卷卷卷有耶名阿耶無大兒木蘭無長兄願為市鞍馬從此替耶征東市買駿馬西市買鞍韉南市買轡頭北市買長鞭朝辭耶娘去暮宿黃河邊不聞耶娘喚女聲但聞黃河流水鳴濺濺旦辭黃河去莫至黑山頭不聞耶娘喚女聲但聞燕山胡騎聲啾啾萬里赴戎機關山度若飛朔氣傳金柝寒光照鐵衣將軍百戰死壯士十年歸歸來見天子天子坐明堂策勛十二轉賞賜百千緡可汗問所欲木蘭不用尚書郎願馳千里足送

兒還故鄉耶娘聞女來出郭相扶將阿姊聞妹來當戶理
紅妝小弟聞姊來磨刀霍霍向豬羊開我東閣門坐我西
間牀脫我戰時衣著我舊時裳當窗理雲鬢對鏡帖花黃
出門看火伴火伴始驚惶同行十二年不知木蘭是女郎
雄兔腳撲朔雌兔眼迷離兩兔旁地走安能辨我是雄雌

戴嵩

度關山

昔聽隴頭吟平居已流涕今上關山望長安樹如薺千里
非鄉邑四海皆兄弟軍中大體自相褒其間得意各分曹
博陵輕俠皆無位幽州重氣本多豪馬銜首藟葉劍瑩鸞

鵝膏初征心未習復值雁飛入山頭看月近草上知風急
笛喝曲難成笳繁響還澀武帝初承平東伐復西征薊門
海作塹榆塞冰爲城催令四校出倚望三邊平箭服朝來
動刀環臨陣鳴將軍一百戰都護五千兵且決雄雌眼前
利誰道功名身後事丈夫意氣本自然來時辭第已聞天
但令此身與命在不持烽火照甘泉

八代詩選第十六

陳至隋

八代詩選十七

雜言第三

長沙湘潭王闓運撰

陳後主陳叔寶

玉樹後庭花

麗宇芳林對高閣
新妝艷質本傾城
映戶凝嬌乍不進
出帷含態笑相迎
天姬臉似花含露
玉樹流光照後庭

烏棲曲三首

陌頭新花歷亂生
葉裏嚙鳥送春情
長安游俠無數伴
白馬驪珂中路滿

金鞍向真欲相連
玉面俱要來帳前
含態眼語縣相解
翠

帶羅帶入爲解

合歡襦薰百和香牀中被織兩鴛鴦烏嗁漢沒天應曙只
持懷抱送郎去

東飛伯勞歌

池側鴛鴦春日鸞綠珠絳樹相逢迎誰家佳麗過淇上翠
釵綺袖波中漾彫軒繡戶花恆發珠簾玉砌移明月年時
二七猶未笄轉顧流盼鬢鬢低風飛縈落將何故可惜可
憐空擲度

長相思

長相思久相憶關山征戍何時極望風雲絕音息上林書

不歸回文徒自織羞將別後面還似初相識
長相思怨成悲蝶縈草樹連絲庭花飄散飛入帷帷中看
隻影對鏡歛雙眉兩見同明月兩別共春時

聽箏

文窗瑤珥影嬋娟香帷翡翠出神仙促柱點唇鶯欲語調
弦繫爪雁相連秦聲本自楊家解吳歛那知謝傅憐祇愁
芳夜促蘭膏無那煎

徐陵

烏棲曲

繡帳羅帷隱燈燭一夜千年猶不足惟憎無賴汝南雞天

河未落獨爭唬

雜詩

傾城得意已無儔
洞房連閣未銷愁
宮中本造鴛鴦殿
爲誰新起鳳皇樓
綠黛紅顏兩相發
千嬌百念情無歇
舞衫回袖勝春風
歌扇當窗似秋月
碧玉宮技自翩妍
絳樹新聲最可憐
張星舊在天河上
從來張姓本連天
二八年時不憂度
旁邊得寵誰相妒
立春歷日自當新
正月春幡底須故
流蘇錦帳挂香囊
織成羅幌隱燈光
只應私將琥珀枕
冥冥來上珊瑚牀

長相思

長相思望歸難傳聞奉詔戍皋蘭龍城遠雁門寒愁來瘦
轉劇衣帶自然寬念君今不見誰爲抱腰看
長相思好春節夢裏恆唬悲不洩帳中起窗前髻柳絮飛
還聚游絲斷復結欲見洛陽花如君隴頭雪

陸瓊

還臺樂

蒲萄四時芳醇琉璃千鐘舊賓夜飲舞遲銷燭朝醒弦促
催人春風秋月恆好歡醉日日言新

長相思

長相思久離別一罷鴛文綺薦絕鴻已去柳堪結室冷鏡

疑冰庭幽花似雪容貌朝朝改書字看看滅

陸瑜

東飛伯勞歌

西王青鳥秦女鸞恆娥婺女慣相看誰家玉顏窺上路粉
色衣香雜風度九重樓檻芙蓉華四鄰照鏡菱菱花新妝
年幾纔三五隱幔藏羞臨罔戶然香氣歇不飛煙空留可
憐年一年

張正見

賦得佳期竟不歸

良人萬里向河源倡婦三秋思柳園路遠寄詩空織錦宵

長夢返欲驚魂飛蛾屢繞帷前燭衰草還侵階上玉銜唬
拂鏡不成妝促柱絃還亂曲特念年移竟不歸偏憎寒
急夜縫衣流螢映月明空帳疏葉從風入斷機自對孤鸞
向影絕終無一雁帶書回

前有一尊酒行

前有一尊酒主人行壽今日合來坐者當令皆富且壽欲
令主人三萬歲終歲不知老爲吏當高遷買市得萬倍桑
蠶當大得主人宜孫子

神仙篇

瀛州分渤海閩苑隔虹蜺欲識三山路須尋千仞谿石梁

雲外立蓬邱霧裏迷年深毀丹竈學久棄青泥葛水留遺
杖天衢鳴去雞六龍驤首起雲閣萬里一別何寥廓元都
府內駕青牛紫蓋山中乘白鶴潯陽杏花終難朽武陵桃
花未曾落已見玉女笑投壺復覩仙童欣六博同甘玉文
棗俱飲流霞藥鸞歌鳳舞集天臺金闕銀宮相向開西王
已令青鳥去東海還馭赤蚪來魏武還車逢漢女荆王因
夢識陽臺鳳蓋隨雲聊蔽日霓裳雜雨復乘雷神嶽吹笙
遙謝手當知福地有仙才

顧野王

豔歌行

齊倡趙女盡妖妍珠簾玉砌併神仙莫笑人來最落後能
使君恩得度前豈知洛渚羅塵步詎減天河秋夕渡妖姿
巧笑能傾城那思他人不憎妒蓮花藻井推菱荷采菱妙
曲勝陽阿

燕姬妍趙女麗出入王宮公主第倚鳴瑟歌未央調弦八
九弄度曲兩三章唯欣春日永詎愁秋夜長歌未央倚鳴
瑟輕風飄落葉乳燕巢蘭室結羅帷翫朝日窗開翠幔卷
妝罷金星出爭攀四照花競戲三條術

傳緯

雜曲

新人新寵在蘭堂翠帳金屏玳瑁牀叢星不似珠簾色度
月還如粉壁光從來著名推趙子復有丹脣發皓齒一嬌
一態本難逢如畫如花定相似樓臺宛轉曲皆通弦歌透
迤徹下風此殿笑語長相共旁省歡娛不復同訝許人情
太厚薄分恩賦念能斟酌多作繡被爲鴛鴦長弄綺琴憎
別鶴人今投寵要須堅會使歲寒恆度前共取辰星作心
抱無轉無移千萬年

岑之敬

烏棲曲

驄馬直去沒浮雲河渡冰開兩岸分烏藏日暗行人息空

樓隻影長相憶明月二八照花新當壚十五晚留賓

徐伯陽

日出東南隅行

珠城璧日啟朱扉青樓含照本暉暉遠暎陌上春桑葉斜
入秦家細綺衣羅敷妝粉能佳麗鏡前新梳倭墮髻圓籠
嫋嫋挂青絲鐵鉤冉冉勝丹桂蠶饑日晚暫生愁忽逢使
君南陌頭五馬停珂遣借問雙臉含嬌特好羞妾壻府中
輕小吏卽今來往專城裏欲識東方千騎歸藹藹日暮紅
塵起

蕭詮

賦得婀娜當軒織

東南初日照秦樓西北織婦正嬌羞綺窗猶垂翡翠罔珠
簾半上珊瑚鉤新妝入機暎春牖弄杼鳴梭挑織手何曾
織素讓新人不掩流蘇推中婦三日五匹未言遲衫長挽
弱繞輕絲綾中轉鑷成離鵠錦上回文作別詩不惜紈素
同霜雪更傷秋扇篋中辭

賀循

賦得庭中有奇樹

三春節物始芳菲游絲細草動春暉香風飄舞花間度好
鳥和鳴枝上飛臨池聞竹偏增綠依階暎雪紛如玉溫室

庭前竟不言鼓吹樓中能作曲曾聞遠別舊難思攀折會
取贈佳期長條本自堪爲帶密葉由來好作帷星稀漢轉
月輪明徘徊夜鵲屢相驚欲識幽人蘭杜逕山窗芳桂復
叢生

蕭瀆

長相思

長相思久離別新燕參差條可結壺關遠雁書絕對雲恆
憶陣看花復愁雪猶有望歸心流黃未翦截

北魏蕭綜 以下北詩

聽鐘鳴

八代詩選

雜言三

七

歷歷聽鐘鳴當知在帝城西樹隱落月東窗見曉星霧露
肫肫未分明鳥噉啞啞已流聲驚客思動客情客情客思
鬱縱橫翩翩孤雁何所棲依依別鶴半夜噉今歲行已暮
雨雪向淒淒飛蓬旦夕起楊柳尙翻低氣鬱結涕滂沱愁
思無所託強作聽鐘歌

悲落葉

悲落葉聯翩下重疊重疊落且飛縱橫去不歸長枝交蔭
昔何密黃鳥關關動相失夕繁雜凝露朝花翻亂日亂春
日起春風春風春日此時同一霜兩霜猶可當五晨六旦
已凋黃乍逐驚風舉高下任飄颺悲落葉落葉何時還夙

昔共根本無復一相關各隨灰土去高枝難重攀

高允

王子喬詩

王少卿王少卿超升飛龍翔天庭遺儀景雲漢酬光鶩電
逝忽若浮騎日月從列星跨騰入廓踰杳冥尋元氣出天
門窮覽有無究道根

太后胡氏

楊白花歌

陽春二三月楊柳齊作花春風一夜入閨闈楊花飄蕩落
南家含情出戶腳無力拾得楊花淚霑臆秋去春還雙燕

子願含楊花入窠裏

北周王褒

燕歌行

初春麗景鶯欲嬌桃花流水沒河橋
薔薇花開百重葉楊柳拂地數千條
隴西將軍號都護樓蘭校尉稱嫖姚
自從昔別春燕分經年一去不相聞
無復漢地關山月唯有漠北薊城雲
淮南桂中明月影流黃機上織成文
充國行軍屢築營陽史討虜陷平城
城下風多能卻陣沙中雪淺詎停兵
屬國小婦猶年少羽林輕騎數征行
遙聞陌頭采桑曲猶勝邊地胡笳聲
胡笳向暮使人泣長望閨中空佇立

桃花落地杏花舒
桐生井底寒葉疏
試爲來看上林雁
應有遙寄隴頭書

庾信

舞媚娘

朝來戶前照鏡含
笑盈盈自看眉心
濃黛直點額角輕
黃細安祇疑落花
漫去復道春風不
還少年唯有歡笑
飲酒那得留殘

烏夜啼

促柱繁弦非子夜
歌聲舞態異前溪
御史府中何處宿
洛陽城頭那得棲
彈琴蜀郡卓家女
織錦秦川竇氏妻
詎不

自驚長淚落到頭
嗚烏恆夜嗚

燕歌行

代北雲氣晝昏昏
千里飛蓬無復根
寒雁嗷嗷渡遼水
桑葉紛紛落薊門
晉陽山頭無箭竹
疏勒城中乏水源
屬國征戍久離居
陽關音信絕
能疏願得魯連飛
一箭持寄思歸燕
將書渡遼本自有將軍
寒風蕭蕭生水紋
妾驚甘泉足
爨火君訝漁陽少
陳雲自從將軍出
細柳蕩子空牀難
獨守盤龍明鏡
餉秦嘉辟惡生香
寄韓壽春分燕來能幾
日
二月蠶眠不復久
洛陽游絲百丈連
黃河春冰千片穿
桃花顏色好如馬
榆莢新開巧似錢
蒲桃一杯千日醉無

事九轉學神仙定取金丹作幾服能令華表得千年

楊柳歌

河邊楊柳百丈枝別有長條踈地垂河水衝激根株危倏忽河中風浪吹可憐巢裏鳳皇兒無故當年生別離流查一去上天池織女支機當見隨誰言從來蔭數國直用東南一小枝昔日公子出南皮何處相尋元武陂駿馬翩翩西北馳左右彎弧仰月支連錢障泥渡水騎白玉手版落盤螭君言丈夫無意氣試問燕山那得碑鳳皇新管蕭吹朱鳥春窗玉女窺銜雲酒杯赤馬腦照日食螺紫琉璃百年霜露奄離披一旦功名不可爲定是懷王作計誤無

事翻覆用張儀不如飲酒高陽池日暮歸時倒接離武昌
城下誰見移官渡營前那可知獨憶飛絮鵝毛下非復青
絲馬尾垂欲與梅花留一曲其將長笛管中吹

秋夜望單飛雁

失羣寒雁聲可憐夜半單飛在月邊無奈人心復有憶今
暝將渠俱不眠

代人傷往

青田松上一黃鶴相思樹下兩鴛鴦無事教渠更相失不
及從來莫作雙

已上北詩

隋煬帝楊廣

汎龍舟

舳艫千里汎龍舟
言旋舊鎮下揚州
借問揚州在何處
淮南江北海西頭
六轡聊停御百丈
暫罷開山歌
棹謳詎似江東掌
閒地獨自稱
言鑑裏游

四時白紵歌

洛陽城邊朝日暉
天淵池前春燕歸
含露桃花開未飛
臨風楊柳自依依
小苑花紅洛水綠
清歌宛轉絃
促長衷
逶迤動珠玉
千年萬歲陽春曲
東宮春

黃梅雨細麥秋輕
楓樹蕭蕭江水平
飛樓綺觀軒若驚
花

簾羅幃當夜清菱潭落日雙鳧舫綠水紅妝兩搖漾還似
扶桑碧海上誰肯空歌采蓮唱
江都夏

效劉孝綽雜詩二首

憶睡時待來剛不來卸妝仍索伴解佩更相催博山思結
夢沈水未成灰

憶起時投籤初報曉被匿香黛殘枕隱金釵嫺笑勸上林
中除卻司晨鳥

紀遼東

遼東海北翦長鯨風雲萬里清方當銷鋒散馬牛旋師宴
鎬京前歌後舞振軍威飲至解戎衣判不徒行萬里去空

道五原歸

江總

東飛伯勞歌

南飛烏鵲北飛鴻
弄玉蘭香時會同
誰家可憐出窗牖
春心百媚勝楊柳
銀牀金屋挂流蘇
寶鏡玉釵橫珊瑚
年時二八新紅臉
宜笑宜歌羞更斂
風花一去杳不歸
祇爲無雙惜舞衣

怨詩二首

采桑歸路河流深
憶昔相期柏樹林
奈許新縑傷妾意
無由故劔動君心

新梅嫩柳未障羞情去恩移那可留團扇篋中言不分纖
腰掌上詎勝愁

雜曲

行行春逕蘼蕪綠織素那復解琴心乍愜南階悲綠草誰
堪東陌怨黃金紅顏素月俱三五夫婿何在今追虜關山
隴月春雪冰誰見人嗁花照戶

殿內一處起金房併勝餘人白玉堂珊瑚挂鏡臨罔戶芙
蓉作帳照彫梁房櫳宛轉垂翠幕佳麗透迤隱珠箔風前
花管颺難留舞處花鈿低不落陽臺通夢太非真洛浦凌
波復不新曲中唯聞張女調定有同姓可憐人但願私情

賜斜領不願旁人相比並妾門逢春自可榮君面未秋何
意冷

泰山言應可轉移新寵不信更參差合歡錦帶鴛鴦鳥同
心綺袖連理枝皎皎新秋明月開早露飛螢暗裏來鯨燈
落花殊未盡蚪水銀箭莫相催非是神女期河漢別有仙
姬入吹臺未眠解著同心結欲醉那堪連理杯後宮不愜
茱萸芳夜夜爭開蘇合房寶釵翠鬢還相似朱脣玉面非
一行新人未語言如迎新寵無前拚不藏願奉更衣蘭麝
氣恐君馬到自驚香

梅花落

臘月正月早驚春眾花未發梅花新可憐芬芳臨玉臺朝
攀晚折還復開長安少年多輕薄兩兩共唱梅花落滿酌
金卮催玉柱落梅樹下宜歌舞金谷萬株連綺甍梅花密
處藏嬌鸚桃李佳人欲相照摘葉牽花來並笑楊柳條青
樓上輕梅花色白雪中明橫笛短簫淒復切誰知柏梁聲
不絕

宛轉歌

七夕天河白露明八月濤水秋風驚樓中恆聞哀響曲塘
上復有苦辛行不解何意悲秋氣直置無秋悲自生不怨
前階促織鳴偏愁別路擣衣聲別燕差池自有返離蟬寂

寘詎含情雲聚懷清四望臺月冷相思九重觀欲題芍藥
詩不成來采芙蓉花已散金尊送曲韓娥起玉柱調弦楚
如歎翠眉結恨不復開寶鬢迎秋度前亂湘如拭淚灑貞
筠篋藥浣衣何處人步步香飛金薄履盈盈扇掩珊瑚屑
已言采桑期陌上復能解佩就江濱競入華堂耍花枕爭
開羽帳奉華茵不惜獨眠前下釣欲許便作後來薪後來
暝暝同玉牀可憐顏色無比方誰能巧笑持窺井乍取新
聲學繞梁宿處留嬌墮黃珥鏡前含笑弄明璫卷施摘心
心不盡茱萸折葉葉更芳已聞能歌洞簫賦詎是故愛邯

鄆倡

長相思

長相思久離別征夫去遠芳音滅湘水深隴頭咽紅羅斗
帳裏綠綺清弦絕逶迤百尺樓愁思三秋結

長相思久別離春風送燕入檐窺暗開脂粉弄花枝紅樓
千愁縈玉筯雨行垂心心不相照望望何由知

秋日新寵美人應令

後宮唯聞莫瓊樹絕世復有宋容華皆自爭名進女弟定
覺雙飛勝蕩家願並迎春比翼燕常作照日同心花聞道
豔歌時易調特許新恩邴久要翠眉未畫自生愁玉臉含
嗔還似笑幽蘭度曲不可終陽臺夢裏自應通秋樹相思

一枝綠爲插賤妾兩鬟中

新入姬人應令

洛浦流風濛淇水秦樓初日度陽臺玉軟輕輪五香散金
燈夜火百花開非是妖姬渡江日定言神女隔河來來時
向月別嬋娥別時清吹悲簫史數錢拾翠爭佳麗拂紅點
黛何相似本持纖腰惑楚宮暫回舞袖驚吳市新入羽帳
挂流蘇故人網戶織脚躡梅花柳色春難遍情來情去在
須臾不用庭中賦綠草但願思著弄明珠

內殿賦新詩

兔影脈脈照金鋪蚪水滴滴寫玉壺綺翼彫蕙邇清漢虹

梁紫柱麗黃圖風高暗綠彫殘柳雨駛紅芳溼晚芙三五
二八佳年少百萬千金買歌笑偏著故人織素詩願奏秦
聲采蓮調織女今夕度銀河當見新秋停玉梭

姬人怨

天寒海水慣相知空牀明月不相宜庭中芳桂憔悴葉井
上疏桐零落枝寒燈作花羞夜短霜雁多情恆結伴非爲
隴水望秦川直置思君腸自斷

姬人怨服散篇

薄命夫婿好神仙逆愁高飛向紫煙金丹欲成猶百鍊玉
酒新熟幾千年妾家邯鄲好輕薄特忿仙童一丸藥自悲

行處綠落生何悟
噓多紅粉落莫輕
小婦狎春風羅襪也
得步河宮雲車欲
駕應相待羽衣未
去幸須同不學簫
史還樓上會逐嬋
娥戲月中

阮卓

賦得黃鶴一遠別

霜風秋月映樓明
寡鵠偏棲中夜驚
月下裴回顧別影
風前悽斷送離聲
離聲一去斷還續
別響時來疎復促
聊看遠客贈綾紋
彌怨閒宵雅琴曲
恆思昔日稻梁恩
理翮整翰上君軒
獨舞輕飛向吳市
孤鳴清唳出雷門
王子吹笙忽相值
自覺飄飄雲裏駛
一舉千里未能歸
惟有田饒解

深意

蕭愨

春日曲水

落花無限數飛鳥
排花度禁苑至饒
風吹花春滿路巖前
片石迴如樓水裏連
沙聚作洲二月鶯聲纔欲斷
三月春風已復流
分流繞小渡塹水還相注
山頭望水雲水底看山
樹舞餘香尙存歌盡聲猶駐
麥隴一驚顰
菱潭兩飛鷺
飛鷺復驚顰
傾曦帶掩暉
芳飈翼還憶
藻露挹行衣

顏之推

和陽納言聽鳴蟬篇

聽秋蟬秋蟬非一處細柳高飛夕長楊明月曙
歷亂起秋聲參差攬人慮單吟如轉簫羣噪學
調笙風飄流曼響多含斷絕聲垂陰自有樂飲
露獨爲清短綫何足貴薄羽不差輕螳螂翳
下偏難見翡翠竿頭絕易驚容止由來桂林
苑無事淹留南斗城城中帝皇里金張及許史
權勢熱如湯意氣誼城市劍影奔星落馬色浮
雲起鼎俎陳龍鳳金石諧宮徵關中滿季心關
西饒孔子詎用虞公立國臣誰愛韓王游說士

盧思道

聽鳴蟬篇

聽鳴蟬此聽悲無極羣嘶玉樹裏迴噪金門側長風送晚
聲清露供朝食晚風朝露實多宜秋日高鳴獨見知輕身
蔽數葉哀鳴抱一枝流亂罷還續酸傷合更離暫聽別人
心卽斷纔聞客子淚先垂故鄉已超忽空庭正蕪沒一夕
復一朝坐見涼秋月河流帶地從來險峭路干天不可越
紅塵早徹陸生衣明鏡空悲潘掾髮長安城裏帝王州鳴
鐘列鼎自相求西望漸臺臨太液東瞻甲觀距龍樓說客
恆持小冠出越使常懷寶劔游學仙未成便尙主尋原不
見已封侯富貴功名本多豫繁華輕薄盡無憂詎念嫫姚
嗟木梗誰憶田單倦土牛歸去來青山下秋菊離離日盈

把獨焚枯魚宴林野終成獨校子雲書何如還驅少游馬
後園宴

常聞崑閬有神仙雲冠羽佩得長年秋夕風動三珠樹春
朝露溼九芝田不如鄴城佳麗所玉樓金閣與天連太液
回波千丈映上林花樹百枝然流風續洛渚行雲在南楚
可憐白水神可念青樓女便妍不羞避妖豔工言語池苑
正芳菲得戲不知歸媚眼臨歌扇嬌香出舞衣纖腰如欲
斷側髻似能飛南樓日已暮長檐鳥應度竹殿遙聞鳳管
聲虹橋別有羊車路攜手旁花叢徐步入房櫳欲眠衣先
解半醉臉逾紅日日相看轉難厭千嬌萬態不知窮欲知

妾心無劇已明月流光滿帳中

從軍行

朔方燧火照甘泉長安飛將出祁連犀渠玉劍良家子白
馬金羈俠少年平明偃月屯右地薄暮魚麗逐左賢谷中
石虎經銜箭山上金人曾祭天天涯一去無窮已薊門迢
遞三千里朝見馬頰黃沙合夕望龍城陳雲起庭中奇樹
已堪攀塞外征人殊未還白雪初下天山外浮雲直上五
原閒關山萬里不可越誰能坐對芳菲月流水本自斷人
腸堅冰舊來傷馬骨邊庭節物與華異冬霰秋霜春不歇
長風蕭蕭渡水來歸雁連連映天沒從軍行軍行萬里出

龍庭單于渭橋今已拜將軍何處覓功名

薛道衡

豫章行

江南地遠接閩甌山東英妙屢經游前瞻疊嶂千重阻卻
帶驚湍萬里流楓葉朝飛向京洛文魚夜過歷吳洲君行
遠度茱萸嶺妾住長依明月樓樓中愁思不開顰始復臨
窗望早春鴛鴦水上萍初合鳴鶴園中花併新空憶常時
角枕處無復前日畫眉人照骨金環誰用許見膽明鏡自
生塵蕩子從來好留滯况復關山遠迢遞當學織女嫁牽
牛莫作嬋娥叛夫婿偏訝思君無限極欲罷欲忘還復憶

願作王母三青鳥飛去飛來傳消息豐城雙劍昔曾離經
年累月復相隨不畏將軍成久別只恐封侯心更移

辛德源

東飛伯勞歌

合歡芳樹連理枝荆王神女乍相隨誰家妖豔蕩輕舟合
嬌轉盼騁風流犀棹蘭橈翠羽蓋雲羅霧縠蓮花帶女兒
年幾十六七玉面新妝映朝日落花從風俄度春空留可
憐何處新

柳晉

陽春歌

春鳥一轉有千聲春花一叢千種名旅人無語坐檐楹思
鄉懷土志難平唯當文共酒暫與興相迎

虞茂

四時白紵歌二首

長洲茂苑朝夕池映日含風結細漪坐當伏檻紅蓮披彫
軒洞戶青蘋吹輕橫芳煙鬱金馥綺檐花簾桃李枝蘭茗
翡翠但相逐桂樹鴛鴦恆並宿 江都夏

露寒臺前曉露清昆明池水秋色明搖環動佩出曾城鷓
弦鳳管奏新聲上林蒲桃合縹緲甘泉玉樹上葱青玉人
當歌理清曲婕妤恩情斷還續 長安秋

已上隋

附不知時代詩

東飛伯勞歌

東飛伯勞西飛燕黃姑織女時相見誰家女兒對門居
開華發色照里閭南窗北牖挂明光羅帷綺箔脂粉香
女兒年幾十五六窈窕無雙顏如玉三春已暮花從風
空留可憐與誰同

河中之水歌

河中之水向東流洛陽女兒名莫愁莫愁十三能織綺
十四采桑南陌頭十五嫁爲盧家婦十六生兒字阿侯
盧家

蘭室桂爲梁中有鬱金蘇合香頭上金釵十二行足下絲
履五文章珊瑚挂鏡爛生光平頭奴子提履箱人生富貴
何所望恨不嫁與東家王

雞鳴歌

東方欲明星爛爛汝南晨雞登壇喚曲中漏盡嚴具陳月
沒星稀天下旦千門萬戶遞魚鑰宮中城上飛烏鵲

八代詩選

陳至隋

三

八代詩選第十七